



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ՕՐԻՆԱԿԱՆՈՒԹՅԱՆ ՎԵՐԱՀՍԿՈՂՈՒԹՅԱՆ
ՏԵՍՉՈՒԹՅՈՒՆ**

0010 Երևան, Վ.Սարգսյան 3/8, Հեռ. 010 59 4141

ՈՐՈՇՈՒՄ

Վարչական տույժ նշանակելու մասին

27.05.2016թ.

ք.Երևան

ՀՀ ԱՆ աշխատակազմի օրինականության վերահսկողության տեսչության (այսուհետ՝ Տեսչություն) պետ Միքայել Մինասյանս՝ ուսումնասիրելով 25.05.2016թ.-ին սեփական նախաձեռնությամբ հարուցված վարչական վարույթի նյութերը.

ՊԱՐԶԵՑԻ

ՀՀ ԱՆ իրավաբանական անձանց պետական ռեգիստրի գործակալության (այսուհետ՝ Գործակալություն) պետը 2016թ.-ի ապրիլի 18-ին ՀՀ արդարադատության նախարարություն է հասցեագրել տեղեկանք, ըստ որի «Հայ կանադական ցանց» բարեգործական հիմնադրամի (գրանցման համարը՝ 222.160.00545) տնօրեն Ռաֆֆի Բաբակյանը սահմանված ժամկետում չհրապարակելով հիմնադրամի 2015թ.-ի գործունեության մասին հաշվետվությունը, չի կատարել «Հիմնադրամների մասին» ՀՀ օրենքի (այսուհետ՝ Օրենք) 39-րդ հոդվածի 1-ին մասի պահանջը, համաձայն որի՝ «Յուրաքանչյուր տարի հաշվետու տարվան հաջորդող մարտի 25-ից ոչ ուշ հիմնադրամն <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում պարտավոր է հրապարակել՝

1) *հաշվետվություն իր գործունեության մասին...*»:

Համաձայն Օրենքի 39-րդ հոդվածի 3-րդ մասի՝ «.....Հաշվետվության (որը բովանդակում է հիմնադրամի լրիվ անվանումը, գտնվելու վայրը, պետական գրանցման տվյալները և սույն հոդվածի 1-ին և 3-րդ կետերով սահմանված տեղեկությունները) ձևը, հրապարակման և ներկայացման կարգը սահմանում է Հայաստանի Հանրապետության արդարադատության նախարարությունը»:

ՀՀ արդարադատության նախարարի 2009թ. դեկտեմբերի 24-ի «Հիմնադրամների կողմից հրապարակվող և Հայաստանի Հանրապետության արդարադատության նախարարություն ներկայացվող հաշվետվության ձևը, լրացման կարգը, հրապարակման և ներկայացման կարգը հաստատելու մասին» N 319-Ն հրամանի (այսուհետ՝ Հրաման) 1-ին, 2-րդ, 3-րդ հավելվածների համաձայն՝ հիմնադրամները պարտավոր են հրապարակել հավելված N 1-ի պահանջների համապատասխան գործունեության մասին հաշվետվություն:

Համաձայն Օրենքի 38-րդ հոդվածի 3-րդ կետի՝ «...Սահմանված ժամկետում հաշվետվությունը չհրապարակելու, Հայաստանի Հանրապետության արդարադատության նախարարությանն այդ մասին չծանուցելու կամ հաշվետվությունը թերի հրապարակելու դեպքում Հայաստանի Հանրապետության արդարադատության նախարարությունը կիրառում է Վարչական իրավախախտումների վերաբերյալ Հայաստանի Հանրապետության օրենսգրքով նախատեսված պատասխանատվության միջոցներ: Վարչական իրավախախտումների վերաբերյալ Հայաստանի Հանրապետության օրենսգրքով նախատեսված պատասխանատվության առավել խիստ միջոցը կիրառելուց հետո՝ մեկամսյա ժամկետում, հաշվետվության հրապարակման և ծանուցման պահանջը պարզաճ չկատարելու դեպքում Հայաստանի Հանրապետության արդարադատության նախարարությունը դիմում է դատարան՝ հիմնադրամը լուծարելու պահանջով»:

Այսպիսով, ուսումնասիրելով Գործակալության պետի տրամադրած տեղեկությունների հիման վրա սեփական նախաձեռնությամբ հարուցված վարչական վարույթի նյութերը՝ գտնում եմ, որ «Հայ կանադական ցանց» բարեգործական հիմնադրամի 2015թ. գործունեության մասին հաշվետվությունը Օրենքով և Հրամանով սահմանված կարգով ու ժամկետում չի հրապարակվել, արդյունքում խախտվել է Օրենքի պահանջը, որի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 169¹⁸-րդ հոդվածի 1-ին պարբերությամբ:

Ելնելով վերոգրյալից, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 58-րդ հոդվածով և Վարչական իրավախախտումների վերաբերյալ ՀՀ օրենսգրքի 223¹-ին հոդվածով.

ՈՐՈՇԵՑԻ

1. «Հայ կանադական ցանց» բարեգործական հիմնադրամի տնօրեն Ռաֆֆի Բաբալյանի նկատմամբ նշանակել վարչական տույժ՝ «Նախազգուշացում»:

2. Նախազգուշացնել «Հայ կանադական ցանց» հիմնադրամի տնօրեն Ռաֆֆի Բաբալյանին՝ **երեսուն օրվա ընթացքում** հիմնադրամի 2015թ. գործունեության մասին տարեկան հաշվետվությունը հրապարակել ՀՀ հրապարակային ծանուցումների պաշտոնական ինտերնետային կայքում (www.azdarar.am) և արդյունքի մասին տեղեկացնել Տեսչությանը:

3. Սույն որոշումն ուժի մեջ է մտնում վարույթի մասնակիցներին այն հանձնելուն հաջորդող օրվանից և կարող է բողոքարկվել վերադատության կարգով ՀՀ արդարադատության նախարարին երեսունօրյա ժամկետում կամ օրենքով սահմանված կարգով և ժամկետում ՀՀ վարչական դատարան:

ՏԵՍՉՈՒԹՅԱՆ ՊԵՏ՝



ՄԻՔԱՅԵԼ ՄԻՆԱՍՅԱՆ